

Rabu, 10 Jun 2020 | 3:10pm

Bekalan barangan keperluan mencukupi

Oleh Mohd Anwar Patho Rohman dan Latifah Arifin
bhnews@bh.com.my

KUALA LUMPUR: Kementerian Perdagangan Dalam Negeri dan Hal Ehwal Pengguna (KPDNHEP) dan Kementerian Pertanian dan Industri Makanan (MOA) memberi jaminan bekalan barangan keperluan mencukupi serta mampu menampung keperluan semasa.


Menteri Pertahanan (Keselamatan), Datuk Seri Ismail Sabri Yaakob, berkata ia berdasarkan pemantauan harian yang dilaksanakan KPDNHEP dan MOA membabitkan peruncit, pemborong, pengilang sehingga ke peringkat pengeluaran makanan.

"Semalam KPDNHEP melakukan pemantauan harian ke atas 25 jenis bekalan barangan di 959 premis perniagaan termasuk 743 peruncit, pemborong (185) dan pengilang (31).

"MOA juga membuat pemantauan di peringkat pengeluaran makanan dan memberi jaminan bekalan barangan keperluan mencukupi," katanya dalam sidang media harian, di sini, hari ini.

Sementara itu, Ismail Sabri berkata, semalam sebanyak 85 operasi sanitasi dilaksanakan meliputi 53 zon di 14 negeri.

Ia termasuk Sarawak yang merangkumi 17 operasi, selain Sabah dan Melaka dengan masing-masing 11 operasi dijalankan.



ISMAIL Sabri Yaakob.- Foto/BERNAMA

<https://www.bharian.com.my/berita/nasional/2020/06/698689/bekalan-barangan-keperluan-mencukupi>